



## Publicaziuns dalla vischnaunca, jamna 7

### Taglia da tgauns 2015

Naven **d'immediat entochen la fin fevrer 2015** san las marcas da tgauns vegnir retratgas tier l'administraziun communal.

**La taglia da tgauns munta pigl'emprems tgaun frs. 120.–, per mintg'ulteriur tgaun ella casada frs. 180.– per onn.**

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns.

Nus supplichein da comunicar all'administraziun communal midadas, q.v.d. tals che han retratg 2014 ina marca da tgauns ed han buca pli il tgaun, ni novs possessurs da tgauns.

Naven diils 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna. Nus supplichein tut ils possessurs da tgauns da risguardar quellas prescripziuns.

Plinavon fagein nus attents Vus sin suandontas prescripziuns:

#### **Cuors da tgauns – cuors obligatori**

*Cuors teoretic, artechel 68 alinea 1, ordinaziun davart la protecziun d'animals*

Tgi che ha aunc mai possedi in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possedi in tgaun avon ils 1-9-2008.

*Cuors practic, artechel 68 alinea 2, ordinaziun davart la protecziun d'animals*

Enteifer igl'emprems onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter ils 1-9-2008. Quei cuors sto vegnir absolvius cun mintga niev tgaun.

**Igl attest dil cuors sto vegnir presentaus tier la retratga dalla marca da tgauns per igl onn 2015.** Ulteriuras informaziuns anfleis Vus sut [www.bvet.admin.ch](http://www.bvet.admin.ch) ni sut [www.fludog.ch](http://www.fludog.ch).

*Administraziun communal*

---

### Entradas dallas casadas

#### Lavurs da mesiraziun

En connex cun la registraziun dallas datas dalla mesiraziun funsila ei il geometer vegnius incaricau d'eruir las coordinatas exactas dallas entradas dallas casadas sigl'entir territori dalla vischnaunca da Mustér. Quellas lavurs succedan en collaboraziun cugl'uffeci da baghegiar.

El decuors dallas proximas jamnas vegnan ils collaboraturs dil menaschi tecnic a mesirar las entradas (eschscasa) dallas casas sin fundament da puncts da referenza existents (cantun dalla casa). Las lavurs ein cumbinadas cun negins disturbis.

Bien engraziament per Vossa capientscha.  
*Uffeci da baghegiar Disentis/Mustér*



### Referendum facultativ spiraus

Il 16 da schaner 2015 ha il cussegl da vischnaunca approbau unanimamein il preventiv 2015 sco era concediu in credit da frs. 250 000.– per sanar ils indrezs da fitness ed elaborar in project cumplessiv e plan da finanziaziun pil Center da sport e cultura.

Encunter quellas duas decisiuns ei enteifer il termin fixau buca vegniu fatg diever dil referendum, aschia ch'il preventiv 2015 sco era il credit da frs. 250 000.– ein approbai definitivamein.

*Suprastonza communal*

---

### Controlla da habitonts

#### Mortori

Victor Candinas-Schnider, naschius ils 18 da schaner 1925, morts ils 6 da fevrer 2015.

---

### Perscrutaziun medicinala el Himalaya

#### Himlung Himal «below zero»

**Gievgia, ils 19 da fevrer 2015**, ha liug a Mustér el Center sursilvan d'agricultura a Salaplauna in discuors cun Matthias Gutmann. Il discuors en tudestg davart la perscrutaziun medicinala el Himalaya entscheiva allas 19.30 e vegn moderaus dad Andreas Cadonau.

---

### Medizinische Forschung im Himalaya

#### Himlung Himal «below zero»

**Am Donnerstag, 19. Februar 2015**, findet ein Gespräch mit Matthias Gutmann in Disentis im Center sursilvan d'agricultura in Salaplauna statt. Ab 19.30 Uhr moderiert Andreas Cadonau das Gespräch in Deutsch über die Medizinische Forschung im Himalaya.

---

### Frauenturnverein Disentis

**Unser Turnverein hat ein neues Angebot: «Line-Dance» 1 x im Monat.** Wann: **Donnerstag, 19. Februar 2015**, um 20.00 Uhr Center da sport e cultura Disentis. Weitere Daten: Do, 26. März, und Do, 7. Mai Wir laden alle tanzbegeisterten Frauen ein, bei uns hereinzuschauen.

Vostand: Uniun da gimnastica da dunnas Mustér, Tel. 079 672 50 46.

---

### Uniun da gimnastica da dunnas Mustér

**Nossa uniun ha ina nova puschida: «Line-Dance» 1 x per meins.** Cu: **gievgia, ils 19 da fevrer 2015**, allas 20.00 el Center da sport e cultura Mustér. Ulteriuras datas: gievgia, ils 26 da mars e 7 da matg Nus envidein en tuttas femnas interessadas pil sault, mirein en la halla da gimnastica!

El num dalla suprastonza, tel. 079 672 50 46



## Mummas cun affons pigns

### Suentermiezdi da scursalar a Sax

**Mesjamna, ils 25 da fevrer 2015** ein tuttas mummas ni babs cun affons pigns ed era ils affons cun fargliuns envidai en a vegnir a scursalar. Nus sentupein allas 14.00 avon l'ustria Sax.

Annunzias pren Manuela Maissen, tel. 081 936 43 24 bugen encunter entochen ils 23 da fevrer 2015.

Sin Vossa partizipaziun selegra  
*Mummas cun affons pigns Mustér*

---

## Uniun da giuventetgna Mustér/Fracziun Vitg

### Olimpiada d'unviern per affons.

L'uniun da giuventetgna Mustér, fracziun Vitg, organisescha ils **21 da fevrer** ina olimpiada d'affons a Mustér/Caischavedra. L'idea da quell'occurrenza ei d'animar ils affons dad ir pli bia cun skis, insumma da far pli bia sport d'unviern. En differents posts san ils affons promover lur inschign d'ir cun skis, els san seconcurrer, denton era haver legher e star da cumpignia. L'olimpiada ei denton buca mo per affons, era carschi e giuvenils san separticipar, sco per exempel ils geniturs dils affons.

Differentas disciplinas, denter auter slalom, seglir liung, cuorsa da scarsola, tuor da neiv, encurir barifox, minigolf, ruschnar da pinguin ... eav.

Nua: Caischavedra, Palius, Pony

Tgi: affons, geniturs e carschi (Affons che van aunc buca a scola mo en accumpigniamet d'in carschiu).

Annunzia ei buca necessaria.

---

## Apparats d'udida

**Gliendisdis, ils 23 da fevrer 2015** saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. Signur Arthur Jacomet fa quei survetsch per tuts interessents gratuitamein.

Cordiala invitaziun *Puntreis, center da sanadad*